



Javno preduzeće

ELEKTROPRIVREDA BOSNE I HERCEGOVINE

d.d. - Sarajevo

PRIMLJENI	13-02-2024
BROJ	1857-1/29
ORGANIZACIONA JEDINICA	02-45-2
PRILOG	

Sarajevo, 09-02-2024

Broj: 02- 4635-1/24

Na osnovu članova 69. i 70. Zakona o javnim nabavkama BiH („Službeni glasnik BiH” broj 39/14 i 59/22), člana 95. Statuta JP Elektroprivreda BiH d.d. – Sarajevo (prečišćeni tekst) broj NO – 2190/21-41./2. od 25.01.2021. godine i Statuta o dopuni Statuta JP Elektroprivreda Bosne i Hercegovine d.d. – Sarajevo, broj: SD-20745/21-70./6., od 30.07.2021. godine, te člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćeni tekst-, broj: 06-8661-1/2023 od 10.03.2023. godine i broj: U-01-40623-1/23-18/34 od 14.11.2023. godine, v.d. Izvršnog direktora za proizvodnju, na preporuku Komisije za javne nabavke, d o n o s i

O D L U K U o poništenju postupka nabavke

Član 1.

U skladu sa članom 69. stav (2) tačka d) ZJN BiH poništava se postupak nabavke po Otvorenom postupku uz korištenje e-aukcije broj: 2000039696 koji se odnosi na Remont armature u strojarnici i na postrojenjima grijanja za potrebe Podružnice Termoelektrana "Kakanj", Kakanj, jer nijedna od primljenih ponuda nije prihvatljiva.

Član 2.

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 3.

Za realizaciju ove Odluke zadužuje se Služba za komercijalne poslove Podružnice Termoelektrana "Kakanj" Kakanj.

O b r a z l o ž e n j e

Postupak nabavke pokrenut je Odlukom o pokretanju postupka broj: 02-45-2-18404-1/23 od 21.12.2023. godine. Javna nabavka je provedena po Otvorenom postupku javne nabavke u skladu sa članom 25. Zakona o javnim nabavkama.

Ugovorni organ je dana 26.12.2023. godine objavio obavještenje za Otvoreni postupak broj: 1424-1-2-296-3-636/23 na Portalu www.ejn.gov.ba i u "Službenom glasniku BiH" broj: 1 od 05.01.2024. godine.

U predmetnom postupku javne nabavke ponudu su dostavila dva ponuđača, i to TEMM-TUZLA d.o.o. Živinice i EFCO-NAT d.o.o. Maglaj.

U Zapisniku o pregledu i ocjeni ponuda od dana 29.01.2024. godine, Komisija za javne nabavke je konstatovala:

- da cijena ponude ponuđača EFCO-NAT d.o.o. Maglaj premašuje osigurana sredstva ugovornog organa za predmetnu nabavku, te se ista odbacuju kao neprihvatljiva u skladu sa tačkom 2.1 2) tenderske dokumentacije. Osim toga, pomenuti ponuđač nije dostavio ponudu kako je traženo tačkom 5.2, 5.5, 5.6 (Aneka 4, Aneks 8 i drugi dokumenti) i 5.9 (jednu original ponudu i jednu kopiju ponude) tenderske dokumentacije, odnosno, ponuđač je dostavio samo informativni dio

ponude tj. cijenu (Aneks 1), te se njegova ponuda odbacuje kao neprihvatljiva u skladu sa tačkom 5.2 tenderske dokumentacije.

- da ponuđač TEMM-TUZLA d.o.o. Živinice, ocjenom kvalifikacija ponuđača i rezultatima kvalificiranosti, ne zadovoljava postavljene kriterije, jer:
- su potvrde o realiziranim ugovorima na stranicama 25, 26 i 27 ponude dostavljene kao kopija dokumenata, a ne kao original ili ovjerene kopije, kako je traženo tačkom 6.8 tenderske dokumentacije.
- su potvrde o realiziranim ugovorima na stranicama 25 i 26 ponude, broj 02-4-63-5287/2019 i 02-4-63-5216/2020, koje su izdate od strane TE „Tuzla“, Tuzla starije od 3 godine, računajući od isteka roka za podnošenje ponuda, što nije u skladu sa zahtjevima iz tačke 6.5 a) tenderske dokumentacije.
- je iz potvrde dostavljene na stranici 27 ponude, broj 02-4-63-519/2022, izdate od strane TE „Tuzla“, Tuzla vidljivo da je ponuđač realizovao ugovor broj 18-TETZ/21 od 01.02.2021. godine, koji se odnosi na usluge remonta armature u 2021. godini. **Međutim, potvrda ne sadrži podatke o redu veličina DN i PN nazivnih otvora i nazivnih pritiska (DN150PN40 ili višeg DN i PN reda), a kako je traženo tačkom 6.5 a) tenderske dokumentacije.**
- je ponuđač dostavio Izjavu (Anex 6) da je tehnički opremljen i osposobljen za obavljanje poslova, a koji se odnosi na posao na remontu i montaži armature reda veličine nazivnih otvora i nazivnih pritiska kao što je navedeno u specifikaciji u energetici ili procesnoj tehnici i da raspolaže mjerama za osiguranje kvaliteta izvršenih radova, ali nije dostavio spisak opreme za remont armature i demontažno- montažne radove na armaturi sa upotrebnom dozvolom, mobilnih mašina za strojnu obradu (fino brušenje na licu mjesta) dosjednih površina ventila i pumpom (ručni ili el. pogon) za ispitivanje ventila, a kako je traženo tačkom 6.5 b) tenderske dokumentacije.

Obzirom da nijedna primljena ponuda nije prihvatljiva, u skladu sa odredbom člana 69. stav (2) tačka d) Zakona o javnim nabavkama BiH, donesena je Odluka kao u dispozitivu

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. – Sarajevo u roku od 10 (deset) dana od dana prijema ove Odluke.

Žalba se podnosi u najmanje 3 (tri) primjerka.



v.d. Izvršnog direktora za proizvodnju

Fahudin Tanović

Dostaviti:

- Ponuđačima
- Služba za komercijalne poslove
- a/a